

आकाशवाणी

खबरां -----

1. जात्रियें दी सुरक्षा च बाद्दा करने लेई रेलवे नै सब्भनें कोचं च सी.सी.टी.वी कैमरे लाने दा फैसला कीता ऐ।
2. राष्ट्रपति द्रौपदी मुर्मू होरें कला, साहित्य, विज्ञान ते समाजसेवा दे क्षेत्र थमां 4 प्रमुख हस्तियें गी राज्यसभा लेई नामजद कीता।
3. पिछले 10 बरें च मुख्य च Gross direct tax collection च 274 फीसदी दा बाद्दा दर्ज कीता गेआ ऐ।
4. केंद्र नै राज्यें ते केंद्र शासित प्रदेशें गी नकली ते घटिया हेल दे मुद्दे उप्पर फौरन ते सख्त कार्रवाई करने दे निर्देश दित्ते।
5. विबलंडन टेनिस च अज्ज रातीं लंदन च मर्दे दे एकल मकाबले दे फाइनल च यानिक सिनर दा मकाबला कार्लोस अलकाराज कन्नै होग।
6. भारत दे मौसम मैहकमे नै अगले 3-4 दिनें दरान मध्य प्रदेश, गोवा, केरल, तटीय कर्नाटक, जम्मू-कश्मीर ते लद्दाख च भारी बरखा दी पेशनगोई कीती ऐ।

<><><><><><>

Railway-CCTV Camera

जात्रुएं दी सुरक्षा बाद्दा करने लेई रेलवे नै सब्भनें कोर्सें च सी.सी.टी.वी कैमरे लाने दा फैसला कीता ऐ। केंद्री रेलवे मंत्री अश्विन वैष्णव ते रेल राज्यमंत्री रवनीत सिंह बिट्टू होरें इंजनें ते कोचें च सीसीटीवी कैमरे लाने दी प्रगति दी समीक्षा कीती। कोचें च कैमरे लाने दा मकसद जात्रियें दी सुरक्षा

ते सुरक्षा च सुधार करना ऐ। एहू कैमरे चोरें, बदमाशें दी पंछान करने च मददगार होंगन। श्री वैष्णव होरें सब्भनें 74 जहार कोचें ते 15 जहार लोको च सीसीटीवी कैमरे लाने दी मंजूरी दिती ऐ।

<><><><><><>

Prez. RS

राश्ट्रपति द्रौपदी मुर्मू होरें कला, साहित्य विज्ञान ते समाजसेवा दे क्षेत्र थमां 4 प्रमुख प्रख्यात वकील उज्जवल देवराज निकम, सामाजिक कायकर्ता सी. सदानन्दन मास्टर, साबका विदेश ते इतिहासकार ते शिक्षाविद डॉ. मिनाक्षी जैन होरें गी राज्यसभा लेई नामजद कीता। गृह मंत्रालय नै इक अधिसूचना च इस निर्णय दी जानकारी दिती। प्रधानमंत्री नरेंद्र मोदी होरें सोशल मीडिया पोस्ट च इनें 4 प्रमुख हस्तियें गी राज्यसभा लेई नामजद होने पर बधाई दिती ऐ। इस बारै गल्ल करदे होई प्रख्यात वकील उज्जवल निकम होरें आखेआ जे एहू इक गौरवशाली पल ऐ।

<><><><><><>

EAM-Singapore Visit

विदेश मंत्री डॉ. एस जयशंकर होरें अज्ज सिंगापुर दे विदेश मंत्री विवियन बालाकृष्णन हुंदे कन्नै मलाटी कीती। इक सोशल मीडिया पोस्ट च जयशंकर होरें आखेआ जे सिंगापुर भारत दी एक्ट ईस्ट नीति दे केंद्र च ऐ ते सिंगापुर द विदेश मंत्री विवियन बालाकृष्णन होरें सोशल मीडिया पोस्ट च आखेआ जे जियां-जियां दुनिया बहुध्रुवीय हुंदी जा करदी ऐ, भारत इनें प्रमुख ध्रुबें चा इक दे रूपै च इक महत्वपूर्ण भूमिका निभाग। सिंगापुर दी जाततरा दे बाद विदेश मंत्री होर SCO-Council of foreign Ministers दी बैठक च हिस्सा लैने आस्तै चीन दे तियानजिन जांगन।

<><><><><><>

Axiom-Shubhanshu

भारती अंतरिक्ष जात्तरी ग्रुप कैप्टन शुभांशु शुक्ला ते एक्वियम-4 मिशन दे त्रै होर अंतरिक्ष जात्रियें दी धरती लेई वापसी कल शुरू होगा। विज्ञान ते प्रौद्योगिकी मंत्री जितेंद्र सिंह होरें इक सोशल मीडिया पोस्ट च दस्सेआ जे एह सारे अंतरिक्ष जात्तरी मंगलवार तकरीबन 3 बजे धरती लेई वापस परतोड़न। ग्रुप कैप्टन शुक्ला अंतरराष्ट्री अंतरिक्ष स्टेशन दे 14 दिनें दे मिशन उप्पर ना। ओहू इस स्टेशन पर जाने आहले पैहले भारतीय ते 1984 च अंतरिक्ष च गेदे विंग कमांडर राकेश शर्मा दे बाद दुए भारती अंतरिक्ष जात्तरी ना। लखनऊ च मीडिया आहलें कन्नै गल्लबात करदे होई ग्रुप कैप्टन शुभांशु शुक्ला दे पिता शम्भुदयाल होरें आखेआ जे ओहू परमात्मा अगगे इये प्रार्थना करा'रदेन जे ओहू सुखै-शांति बापस परतोई औन।

<><><><><><>

GST-Collection

पिछले 10 बरें च मुख्य च Gross Direct tax Collection च 274 फीसदी दा बाद्दा दर्ज कीता गेआ ऐ। वित्त मंत्रालय दे सूत्रें मूजब 2013-14 थमां 2024-25 बश्कार टैक्स मैहकमे आसेआ जारी कीते गेदे रिफंड च 474 फीसदी दा बाद्दा दर्ज होआ ऐ ते कर दाताएं दे आधार च 133 फीसदी दा बाद्दा होआ ऐ। कर वापसी करने दा औसत समां 2013 च 93 दिनें दा हा ते इसी घट्ट करियै 2024 च शडा 17 दिनें दा करी दित्ता ऐ। पिछले इक दाहके दरान कर प्रशान च एहू बदलाव मते तौले डिजिटल बुनियादी ढांचे गी अपनाने दे कारण ऐ।

<><><><><><>

Counterfaith-Fertilizers

केंद्र नै राज्यें ते केंद्र शासित प्रदेशें गी नकली ते घटिया हैल दे मुद्दे उप्पर फौरन ते सख्त कार्रवाई करने लेई निर्देश दित्ता ऐ। केंद्री राई-बाई ते करसान कल्याण मंत्री शिवराज सिंह चौहान होरें इस सरबंध्यै च सम्भनें राज्यें ते केंद्र शासित प्रदेशें दे मुखमंत्रियें गी इक चिट्ठी लिखी ऐ। एहू चिट्ठी मुख्य भरै च

नकली हैल दी बिक्री, सब्सिडी आहली हैल दी ब्लैक मार्केटिंग ते जबरन टैगिंग जनेह गैर कनूनी गतिविधियों पर रोक लाने दे मकसद कन्नै जारी कीती गई ऐ।

<><><><><><>

SIT-IIM Rape Case

पच्छिम बंगाल च कोलकाता पुलिस नै जोका च भारती प्रबंधन संस्थान च कथित तौरा पर रेप दे मामले दी जांच लेई 9 सदस्यीय विशेष जांच टीम सिट दा गठन कीता ऐ। उआं पीड़ित दी मेडिकल जांच कीती गई ऐ। पता चलेआ ऐ जे पीड़ित इक मनोचिकित्सक ऐ ते आरोपी जेडा आई.आई.एम च सेकंड यीअर दा विद्यार्थी ऐ, उसी इंस्टीच्यूट दे अंदर काउंसलिंग लेई सद्देआ हा। अलीपोर दी अदालत नै कल आरोपी इस महीने दी 19 तरीक तगर पुलिस दी हिरासत च भेजी दिता ऐ।

<><><><><><>

Amarnath-Yatra

जम्मू दे भगवती नगरा थवा 7 हजार 49 श्रद्धालुएं दा इक होर जत्था सख्त सुरक्षा बंदोबस्ते हेठ श्री अमरनाथ जी दी यात्रा लेई घाटी आस्तै खाना होआ ऐ। एह जत्था बडलै 286 गड्डिए दे काफिले च सोआर होइऐ खाना होआ। इस जत्थे च 5 हजार 459 मर्द, इक हजार 423 महिला, 31 बच्चे 107 साधु ते 29 साध्वियां शामिल हियां। इन्दे चा 2 हजार 891 श्रद्धालु बालताल लेई ते 4 हजार 158 श्रद्धालु पहलगाम लेई खाना होए न। ओहू अपनी अगड़ी यात्रा शुरू करगंन।

<><><><><><>

J&K Amarnath Yatra Accident

जम्मू-कश्मीर च दक्खनी कश्मीर दे कुलगाम जिले दे तचलू इलाके दे कोल जम्मू-श्रीनगर राश्ट्री जरनैली शिड़का दे कंडे अज्ज 3 बसें दे टकराने करी घटोघट्ट 17 अमरनाथ जात्तरी जखमी होई गे। सारे जखमी मध्य प्रदेश दे रौहने आहले न ते मध्य कश्मीर दे गांदरबल जिले दे बालआल बेस कैंप दे रसते

आहली बक्खी जारदे हे। एसएसपी कोइगाम साहिल सारंगल होरें आकाशवाणी कन्नै गल्ल करदे होई दस्सेआ जे हादसा उसलै होआ जिसलै इक बस डरैबर दे नियंत्रण थमां बाहर होई गेई ते 2 होर गड्डियें कन्नै टकराई गेई।

<><><><><><>

Wimbledon

विंबलडन टेनिस च मर्दे दे एकल मुकाबले दे फाइनल च अज्ज इटली दे यानिक सिनर दा मुकाबला स्पेन दे कार्लोस अलकाराज कन्नै होगा। एह मैच रातीं साड्डे 8 बजे शुरू होगा। अलकाराज नै सेमीफाइनल च अमरीका दे टेलर फ्रिट्ज गी ते सिनर नै सर्बिया दे नोवाक जोकोविच गी हराया हा। तोआई, पौलैंड दी इगा स्वितेक नै महिला एकल मुकाबला जित्ती लैता ऐ। ओह्दा एह पैहला विंबलडन खिताब ऐ। फाइनल च उन्नै अमरीका दी अमांडा अनिसिमोवा गी हराया।

<><><><><><>

Football

अमरीका च फीफा क्लब विश्व कप फुटबॉल दा खिताबी मुकाबला चेल्सी ते पेरिस सेंट जर्मन बश्कार खेड्डेआ जाग। एह मैच भारती समें मूजब रातीं साड्डे 12 बजे शुरू होगा। क्लब विश्व कप च एह दौनें टीमें दा पैहला मुकाबला ऐ। चेल्सी नै 2021 च फीफा क्लब विश्व कप जित्तेआ हा ते 2012 च उप विजेता रेई ही।

<><><><><><>

IMD

भारत दे मौसम मैहकमे नै अगले त्र थमां चार दिनें दरान मध्य प्रदेश, गोवा, केरल, तटीय कर्नाटक, जम्मू-कश्मीर ते लद्दाख च भारी बरखा दी पेशनगोई कीती ऐ। अगले 5 दिनें दरान असम, मेघालय,

नागालैंड, मणिपुर, मिजोरम, त्रिपुरा ते अरुणाचल प्रदेश च भारी बरखा होने दी मेद ऐ। मैहकमे नै मछेरें गी सलाह दिती ऐ जे ओहू अगले त्र'ऊं दिनें दरान केरन, कर्नाटक दे तटें ते बंगाल दी दक्खनी-पच्छमी खाड़ी दे किश हिस्सें च जाने थमां बचन।

<><><><><><>

MP-Rainfall

मध्य प्रदेश दे केई जिलें च तेज बरखा जारी ऐ। रीवा, सतना, मैहर ते छतरपुर जिले दे केई ग्राएं दे लोकें गी सुरक्षित थाहरें पर पजाया गेआ ऐ। मौसम विभाग नै ग्वालियर मुरैना, हरदा, खंडवा ते खरगोन सने 19 जिलें च बडी मती बरखा दा ओरेंज अलर्ट जारी कीता ऐ। भोपाल, अलीराजपुर, इंदौर ते देवास सने राज्य दे 22 जिलें च तेज बरखा दा येलो अलर्ट जारी कीता गेआ ऐ।

<><><><><><>

Weather

ते हून जानकारी मौसम बारै। कल्लै थमां लेइयै 16 जुलाई तगर जम्मू-कश्मीर दी मती सारी थाहरें पर गरज-चमक कन्नै रूकी-रूकियै बरखा बरने दी पेशनगोई कीती गेई ऐ। मैहकमे दा आखना ऐ जे खास करियै जम्मू संभाग च बक्ख-बक्ख थाहरें पर 14 कोला लेइयै 16 तरीक तगर भारी बरखा बरी सकदी ऐ। उआं 17 ते 18 जुलाई गी आंशिक तौरा पर गासै च बद्दल छाए दे रौहडन। तोआई, मैहकमे आसेआ आखेआ गेआ ऐ जे बरखें कारण हाड़ आहली स्थिति बनने दे कन्नोकन्नी पस्सियां पौने दा खतरा बने दा रौहगा। करसानें गी सलाह दिती जंदी ऐ जे 14 कोला लेइयै 17 जुलाई तगर राई-बाई आहले कम्में थमां परहेज करन।

<><><><><><>

Kaustubh Ratna Award

शास्त्रीय संगीत दे मन्ने-परमन्ने दे गुरू ते आकाशवाणी जम्मू दे साबका निदेशक डॉ. विजय सम्याल होरें'गी संगीत दे खेत्तर च उन्दे समर्पण ते अनमुल्ले योगदान लेई काशी हिंदू विश्वविद्यालय दे संगीत दे मंच कला विभाग सीगे आसेआ "कौस्तुभ रत्न" पुरस्कार कन्नै सम्मानित कीता गेआ ऐ।

<><><><><><>

JK Sehat App

रामबन जिले च दोआइयें सरबन्धी मैहकमे आसेआ जे.के सेहत ऐप दे फायदे बारै च लोकें गी जागरूक बनाया जा'रदा ऐ। जे.के सेहत ऐप इक व्यापक डिजिटल मंच ऐ जेड़ा जम्मू-कश्मीर दे सब्भनं वर्ग दे लोकें दे लोकें दी सेहत सेवाएं दी जरूरतें गी पूरा करने लेई तैयार कीता गेदा ऐ। एहदे तैहत डॉक्टरें दी .. आस्तै आनलाइन बुकिंग कीती जाई सकदी ऐ। एहदे अलावा डिजिटल सेहत रिकार्ड बी सखल्ले उपलब्ध होंगन ते घरें थमां गै डॉक्टरें दी सलाह लैना बी उपलब्ध होग। इसै ऐप कन्नै आयुष्मान भारत सेहत योजना दी योग्यता दी बी जांच कीती जाई सकदी ऐ।

<><><><><><>

LG-Baramulla

उपराज्यपाल मनोज सिन्हा होरें अज्ज आखेआ ऐ जे प्रशासन आतंकवाद कन्नै प्रभावित परोआरें कन्नै जुड़े दे सब्बै गैर पंजीकृत मामलें दी जांच करोग ते जब्त कीती गेदी संपत्तियें गी उंदे सही मालकें गी वापस करना यकीनी बनाग। बारामुला च पत्रकारें कन्नै गल्लबात करदे होई एल.जी होरें आतंकवाद थमां पीड़ित परोआरें गी नियुक्ति पत्तर बंडुने मगरा आखेआ जे सरकार दे वरिष्ठ अधिकारियें कन्नै सलाह-सूत्र करने मगरा इनें परोआरें दे योग्य सदस्यें गी सरकारी नौकी देने दा फैसला लैता गेआ ऐ। उनें भरोसा दोआया जे जिनेंगी माली मदाद नेई थ्होई ऐ, उनेंगी हून एह मदाद दित्ती जाग। इस मौके

पर बोलदे होई एल.जी होरें एहू बी आखेआ जे उन्दे लेई स्वरोजगार दे मौके बी उपलब्ध्या करोआए जाडन।

<><><><><><>

CS-NHLML

मुख सचिव अटल डुल्लू होरें NHLML यानि National Highways logistics management limited आसेआ चलाए जाने आहले प्रोजेक्टें दे तौर-तरीके, साधन ते होर दुई सरबन्धी चीजें दा व्यापक जायजा लैता। उनें जम्मू-कश्मीर दी बक्ख-बक्ख सैलानी थाहरें जिंदे च शंकरायार्च मंदर बी शामिल ऐ, च रोपवे परियोजनाएं लेई SPV तैयार करने लेई आखेआ। उनें पी.डब्ल्यू.डी गी लोडचदी सरबन्धी गैंग पुट्टने लेई बी आखेआ। जिनें परियोजनाएं पर चर्चा होई उन्दे च कटडा च इंटर मॉडल स्टेशन दी योजना, श्री माता वैष्णो देवी जी दी पवित्तर गुा दे दर्शन लेई औने आहले ढाई करोड़ श्रद्धालुएं दी सुविधा आहले प्रोजेक्ट शामिल न। एहदे अलावा बस टर्मिनल, 500 ECS दी पार्किंग, त्रै हेलीपैड ते इक रोपवे स्टेशन शामिल ऐ, पर बी विचार विमर्श कीता गेआ।

<><><><><><>